

Jak e ləl ek'awŋ

Ów ek'it eke wəl k'uw any

Bwo el Jak ee? L'el ey Es Kótoko Jesu lisijim (Matie 13.55, Mark 6.3, Galat 1.19, 1 Korént 15.7). L'el Jerusalem e Nyamel a ec'idr esel ab em e nyam (Ob Kok 15.13-21, Galat 2.9). Jak non ləl na awŋ Israel ec'eb ləw yony a, gbekó ow elm Amani Sig em ec'eb ləw yony a. Anja ow el Jwifel a ek'itŋn erm em el Jesu eci, ke gbre ijr a sosiem anŋ Palestin ok okm omu es im ir susu ejec'a oglog, Krist eci jam us esel fəŋ ek'el Nyamel ek'usr Israel ek'el Nyam ec'agŋ a usu a. Jak ec'a, agŋ amua anake el Nyam ec'agŋ tasi a. In e ləl ab em, n'am dad wəl eke wəl k'usur erm gbre ij em, wəl el esəwru, wəl is es ke wəl kok low esə eləl eke omn b'erur ab af. N'am əwar egbreŋgbi eke k'ocm el ec'os a əwrm sos ow af etŋ n'am atr ogboru sos es.

Nuŋ krekre ab em, Jak am elu in e ləl ab em ec'ów a eke li b'ow li dad a e low okm. Nuŋ yony em a, n'am dad agŋ lisijimel a eke k'əw sos erm, yec'etŋ ke -li k'usrmn egbreŋgbi sos -l'akamn ogboru. Kó tasi em ow it eke -li k'elum ogboru abu anke -l'el agŋ eke egbreŋgbi a b'eb el ec'abu em ec'ob fəŋ. Nuŋ 3.1 toŋ nuŋ 4.12 em a, Jak am dad agŋ a eke b'ocr el sosi esəwru, ke am erur eke ki yəgm agŋ ejec'a Nyam odad a, aru sos əw lele ów es atar ab egb es, ke əw erm sodad eke -li b'ow -li dad ab af. Nuŋ 4.13 toŋ nuŋ 5.6

em a, n'am ewar egbrenḡbi eke k'ew erm sos ew lele enyembri yony yony owi ab e lís.

Lel a ec'uwɾ em a, n'am ɔkn wɛl eke wɛl k'inyɱ es kikri ḡbre ijr em, ke wɛl ḡónḡ Nyam aḡḡ a ek'anḡ sos es ɔw em a lele ólu ab eci.

Esḡḡ

¹ Em Jak, Nyam lele Es Kɔtɔkɔ Jesu Krist ab e juma kok es, m'am esḡḡ ɔny fɛḡ ek'eel eb lɛw yony a † eke ɔmu es wus na nimum af a.

Gbre em ec'ɔmn ɔny lele sɛwr ab

² Krist em ec'agḡ lisijimɛl, eke b'ɔbar ḡbre, es abur akpasu akpasu a, ke sos em íḡḡ ɔny, áḡḡḡ ehe em, ³ aḡke esɛ elɛl eke ɔny yeji uwɾ any ab af, eke ɔny eci Nyam ec'ɔmn a eke ɔnyɱ a b'akm ebm ekn es a, ow b'ɔḡ ɔny erm susu ínymɱ es kikri. ⁴ Ínymɱ es kikri kpekḡ low low fɛḡ em, yec'ɛḡḡ ke ɔny e low kok fɛḡ em íyr nɛny igḡḡ nuḡ, ke k'ónymɱ low kaka fɛḡ ec'es abur. ⁵ Kɔ eke ɔny em ec'ɛḡḡ nyam ɔnym sɛwr eke k'uw elɛl eke li ki kokr ke n'ínym es kikri ebm ekn owi em a, l'íbrm Nyam, ke ow yéḡm'n, aḡke Nyam el erm mamnu ek'óɱm ɛḡḡ ob kaka ḡkpes em. ⁶ Gbɛkɔ ow akpl ke l'íbrm ɔmn em, ke bɛbar k'ánm em. ɛḡḡ eke bi bɛbar a, aḡḡ esɛ okij e mra eke lɛf b'ɔny didm es ab af. ⁷⁻⁸ ɛḡḡ ikḡ na kí tutr eke Es Kɔtɔkɔ b'ow ɔḡ'n yec'a eke n'am íbrm a, aḡke

† **1:1** *Eb lɛw yony:* Jak am nɔn lel awḡ Jwifɛl fɛḡ ek'el Krist e jam us esɛl kɛkɛ ek'anḡ Palestin ok ɔkm ɔmu es im aḡḡ susu ejec'a, oglog Krist eci jam us esɛl fɛḡ ek'el Nyamel ek'usr Israel, ek'el Nyam ec'agḡ a usu.

l'el eḡḡ eke ucum low nyam ɔnym es ke bi cɛcm any in ec'es an em.

Gbor lele ob ɔny ab

⁹ Ke Krist eci jam us es ek'ɔnym ob a ntotḡ ók eke Nyam ɔny igbl'l oḡḡ a sosiem. † ¹⁰ Ke Krist eci jam us es ek'ɔny ob a, yeji sos em íḡḡ eke Nyam ɔny is'r es a sosiem. † Ow it eke li k'uw any eke in ec'ob ɔny a elm low kaka wus af aḡa, etḡ in obi b'ow ec es'eel eke suw mamn b'uw es kpab ey wus ab af. ¹¹ Esɛ eel eke ligbn b'afḡ ɔnyn suw, ke bi wɛwr in e dɔdɔ ab es, ke suw eci sakpl a b'irm a, ebɛn nɛnyembri nyam gbrenḡbi yeji b'ow uw digḡ in e sijuma ok es.

Ebm ekn lele meju ab

¹² Ehe él eḡḡ eke b'inym es kikri ebm ekn owi em a eci. Eke n'inym es kikri a sosiem Nyam b'ow ɔḡ'n sel a † eke l'ɛwar aḡḡ ek'erur ir a. ¹³ Eke meju ow eḡḡ em a, ke li kí dad li k'ese: «Nyam anake eju'm a», aḡke Nyam meju owi anm in em. Ow sosiem l'éjum eḡḡ kaka. ¹⁴ Sica eke eḡḡ ey meju owi em, ke in obi in obi ec'ów tutr eḡḡ anake ɔḡ'n l'ɔḡḡ meb a. ¹⁵ Etḡ emeny ów tutr eḡḡ eke b'anḡ eḡḡ em ow a, b'is eḡḡ

† **1:9** *Nyam ɔny igbl'l oḡḡ*: Krist eci jam us es eke bi kok Nyam juma tasi a, it ek'uw any eke, eke l'el gboru wus af aḡa yeji, ke Nyam anake sɔsum oc'r a; afr ow b'ow ɔḡ'n ob ɔny ek'el in ec'ehe. Ékan 4.10; Efes 2.6-7. † **1:10** *Nyam ɔny is'r es*: ow it eke gbrenḡbi k'úw any eke, wus af aḡa in ec'ob ɔny a b'ow ec. Eke l'uw na any a, ke afr li b'ow n'eḡḡ ehe, ek'el in ec'ob ɔny tasi. † **1:12** Grɛk em a *sel a* ke *sel eḡḡ e tufe*: ow el any eb e meny ɛwr, ek'el ebm ekn eke wɛl b'akm es ec'ob ap eke wɛl b'eḡḡ.

sikpl. Etn ca eke sikpl a b'agb afɛn es a, ow b'ism eɣn luw ab. ¹⁶ Erur em ec'agɛn lisijimɛl, k'ɛjurir ɔny sosi: ¹⁷ sob ap amamn fɛn b'anɛ Nyam oɣn ow; Nyam ek'el usuayl eci kok es a oɣn ow b'anɛ ow; in em low itɛn kaka anm; n'am titɛnm esɛ usuayl lele ncebɛn ab af. ¹⁸ In obi l'erur, etɛn n'ɔn ey sel in ec'odad ebl nawrɛ ab em, yec'etɛn ke s'el mob mob fɛn eke li kok anɛ owr a e krekrɛ.

ɛɣn Nyam ec'odad eb ke an es af

¹⁹ Erur em ec'agɛn lisijimɛl, sica eɣn nyam nyam fɛn igɛn lɔru es iri low ok es sos em, nɔfr odad ke k'ɛblm erm fafa, ²⁰ anke erm bebl b'ɔn eɣn am kokm low ek'el nenymbri nyam Nyam ec'any af. ²¹ Na sosisem, igɛn low nɛn fɛn eke bi nɛnɛn ɔny ec'es an a elul es, ke ɛbr erm es ey em, Nyam ec'odad eke wɛl dad ɔny ek'ɔtu eke k'eb ɔny ec'abɛn elu es a.

²² K'ɛjurir ɔny sosi ki dadr k'esrɛ: «S'irir Nyam ec'odad a cɛ»; kɔ kɔkr esɛ elel eke irir ab af. ²³ Kɔ eɣn ek'am iri odad a ke ɔsum a, anɛ esɛ eɣn ek'am ekan in sosi akroɛnɔ em elel eke n'anɛn, ²⁴ ke ca li b'ɔny any l'oc es ke krekrɛ li b'ijl elel eke n'anɛn ab es a. ²⁵ Kɔ eɣn eke b'ɛw ol sobɔ a eke b'ɔn eɣn el lewi a † erm, ke b'ucu ɔny es, ke am dadm esmɛ: «m'iri cɛ», ke b'ɛw erm af kok a, b'ow eɛn Nyam ec'owrɔ in ec'ow kok em.

²⁶ Eke eɣn bi tutr eke l'el Nyam nɛn igɛn es, etɛn l'ɛwm erm in ec'odad dad em a, n'am ejur in sosi, etɛn in e Nyam nɛn igɛn a el ɔfr ɔfr. ²⁷ Kin

† **1:25** *ol sobɔ a eke b'ɔn eɣn el lewi a:ke Nyam ec'odad a nimum ana. Etn ek'ɛɣn b'elum Nyam ec'odad a, ke n'anm sikpl kok owi em ij.*

yeci ek'el Nyam nun igh nawre tasi Nyam ey Es ec'any af a: ke ew uwiyhel lele ennyow ek'anη gbire em a e low erm, ke osu sos wus na e sikpl owi em.

2

Agη es jej

¹ Agη lisijimel, ony ek'onyn onn ey Es Kotoko Jesu Krist anygbel Es em a, ki jejr agη es. ² S'oc low nyam si bebmn: eke gbrenḡbi nyam ok gbad mamn, elu sika kpatrowa, etη ow ey ony e luku as ec'araηn, etη gboru nyam yeji ew mob esn sos ow ey ony ec'araηn, ³ b'ow onyn gbrenḡbi a ec'elum ligbel etη b'ow onn in li sig es any esel ec'usu a. Etη sica b'ow dadr gboru a esre: «η, inym es afr, oglog sig es wus.» ⁴ Eke ow el eben, ke ow elm agη am jejr es ab ee? Ow elm ow tutr enηη ana ee?

⁵ Iḡηn loru es, erur em ec'agη lisijimel: Nyam sosum wus na ec'ogboru a ot yec'etη ke -l'el onn em ec'egbrenḡbi, ke -l'ij gbrenḡbi usu a eke l'ewar agη ek'erur ir a ec'aja. ⁶ Bla sosiem, bi kokr gboru sos keskes ee? Ko ow elm egbrenḡbi anake b'ijr ony gbire ke b'ot im ony jej ok usu ab ee? ⁷ Ko ow elm el anake -li b'ifn nin mamn na ek'ijr ab ee?

⁸ Kin Nyam Lel ec'odad eke am dad: *B'ow erur eḡη kaka feη ese η obi af.*† Na, Nyam e gbrenḡbi usu a ec'ol gbēl ana. Eke b'elumn ol na a, ke ek'ow akpl a. ⁹ Eke ony ec'ow kok em bi jejr agη es, ke sikpl anake am kokr a, etη ol b'ow ob ony

† 2:8 Ob Ap 19.18.

low. ¹⁰ Eke eɣɲ b'ɔsu ol a, eɲɲ l'ɔb nyam es a, ke l'ɔb ol a fɛɲ es ŋ. ¹¹ Eɲɲ eɣɲ a eke dad ninɛ: *k'íjm nfaci a*, in ɛɛ li dad eke: k'íbim eɣɲ. † Na sosiɛm a, eke íjm nfaci eɲɲ ibi eɣɲ a, ke eluam ol a ana. ¹² Dàdr ke kókr ów amamn ɛɛɛ aɣɲ eke el yeji wɛl b'ow jɛj el ec'ów ok ol eke b'ɔɲ eɣɲ el lewi † ec'ab af. ¹³ Eɣɲ eke ɔnym ɔɔɲɲ ikɲ a, in yeji Nyam k'ow ikɲm'n ɔɔɲɲ aɲke ɔɔɲɲ ikɲ akpl akm jɛj ok. †

ɔmn lele juma kok ab

¹⁴ Lisijimɛl, eke eɣɲ bi dad ɛɛɛ: «M'ɔny ɔmn», eɲɲ n'am kokm ow e low a, ke ɔmn na b'ow eb elu'l es ee? ¹⁵ Eɲɲ eke eɣɲ lisijim oglog lisijow nyam ɔnym ob sos ɛw lele ob ij ab, ¹⁶ eɲɲ ɔny ɛm ec'eɣɲ nyam dad el ninɛ: «Ìmn ɛrm es ɛy ɛm, ɔgbur al, lok íy ɔny!», eke ɔmn el yec'eke akpl sos meɣl ec'a, ke na bla ow b'ow eel el ee? ¹⁷ Ɛben nɛnyɛmbri nyam, ɔmn yeji, eke l'elum in e low kok ɔkm a, ke l'uw ŋ.

¹⁸ Kin ow eke wɛl ɔtu eke ki dad eɣɲ na! «Ŋ ɔny ɔmn kɔ ɛm, wɛl b'ɛkn ɛm e juma kok a. Yègm im ŋ ec'ɔmn a eke juma kok anm ɛm a; eɲɲ ɛm, m'ow mi yeɣm'ŋ ɛm ec'ɔmn a juma kok ɛm. ¹⁹ Ŋ yeji ub nawrɛ eke Nyam nyam coco anɲ. Ow akpl! Abɲ ɛɲɲ yeji b'ub'r nawrɛ eɲɲ ɛɲɲ b'ɔny el -l'ufɲ.»

²⁰ Nyamb eɣɲ, kɔ uwm any eke ɔmn eke juma kok anm ɛm a el ɔfr ɔfr ee? ²¹ Kɔ Nyam ocm ɛy lagɲ Abraham eɣɲ nyim nyim in e juma kok

† **2:11** ɔkm Ok 20.13-14; Ol ɔkn 5.17-18. † **2:12** Bèbmɲ 1.25 ab ab. † **2:13** ɔɔɲɲ ikɲ akpl akm jɛj ok:èkan Matie 5.7.

em, eke l'oc in ec'iy Isak n'im eke li ki kok egb waw ab ee? † ²² Ekn eke omn lele juma ab b'okr af juma kok em, anke Abraham, in e juma kok a anake on in ec'omn a el omn tasi a. ²³ Eben Nyam Lel ec'odad eke dad a iy neny: *Abraham ony omn Nyam em, ow on Nyam oc'r ese egn nyim nyim af, etn esn'n Nyam e lawl.* † ²⁴ Sica ekan eke Nyam b'oc egn egn nyim nyim in e juma kok em, ko ow elm omn sony coco eke n'ony a sosiem.

²⁵ Eben ow ecr Rahab facyow a ec'a yeji. Nyam oc'r egn nyim nyim, legn eke l'eb Ebre eya a eke wel erm ow es lol em eke k'ekn eb a, † ke l'elum wel abu wel eb ejagb ejeci im a. Low na el juma ek'in ec'omn a on'n li kok. ²⁶ Tasi em a, ese el el eke sos megl eke sel anm em a el ob ek'uw ab af a, eben nenyembri nyam, omn yeji, eke juma kok anm em a, l'el ob ek'uw.

3

Neny lele anm ab

¹ Em lisijimel, k'erurir ek'agn nono ony em k'el low yegm esel. Uwr any eke ey low yegm esel, wel b'ow jej ey ec'ow ok tuotuo akm agn fen ec'a. ² Ey, ow nono em a si b'irm. Ek'egn iram in ec'odad ebl em, ke l'el egn tasi ek'otu eke k'osu in e sos. ³ Si b'oc lowili s'ucu meb s'elu gbanke nenyem eke li k'elum ey; etn lowili ab em ce, si bi nyimn gbanke a nimum. ⁴ Etn mijetn ek'agb bobo yeji, lef e lec a b'ony didm es; nyimn ob likekli a ce eke nyimn es a b'ony es a, anake b'oc

† **2:21** Ekn Nun Ob 22.9.

† **2:23** Nun Ob 15.6.

† **2:25** Ekn Josue 2:1-25.

im'n yogη eke l'erur a. ⁵ Neny yeji eben. Anm el sos megl ec'ob likekli nyam eke bi dad ów egbel.

Al mbebl yeji b'etul akp ligbel. ⁶ Anm anη ese al af. Anm ek'anη ey e sos megl em a, el low ηηη kok feη ec'ob eke bi ηηηη egη ec'owr anη ec'ów feη. Eηη low ηηη feη eke wel bi dad a b'anη gbre ij usu ow. ⁷ Egη otu eke ki yeγm mindey feη low elum'n: or o, mindey eke b'eri es lok lok o, lele otu ab; egη otu ek'akm el es. ⁸ Kó egη kaka otum eke k'akm anm es; l'el ob ηηη ek'egη k'otum onym es inyam es tin seηη feη, l'el sekp ηηη eke b'ibi egη. ⁹ Si b'oc anm em s'elu ey Es Kótoko Nyam, ey Es bia. Eηη anm ab em ce, si b'ofn agη eke Nyam kok ot'r es a. ¹⁰ Low mamn eci sodad lele ofn ab b'anη neny nyam ab em ce ok okm. Lisijimel, ow k'él eben! ¹¹ Mij nun kaka anm eke in em mij mamn lele mij ηηη ab b'anη am ok okm. ¹² Kó likη nyam otu eke k'osu likη ejeci ec'ey ee? Kó okij em egη b'ehη mij mamn egη ee?

Sewr eke b'anη Nyam ogη ow

¹³ Kó ony em a egη nyam anη ek'el sewru, nun em ony es ee? Ke l'élú in ec'es an mamn a okm, sewr lele froro el ab ec'ów kok em. ¹⁴ Kó ek'onny ec'erm em nyamneyr ηηη lele ηkre ec'abη ab anη a, k'ewr sos eke onyn sewr, k'onyn low nawre k'itηnin. ¹⁵ Sewr akpasu na ánm afr Nyam ogη ówm; ow el wus na eci, ek'el agη em eci, ke el agn eci. ¹⁶ Tasi em a, yogη eke nyamneyr lele ηkre ec'abη ab anη a, neny af okr ánm, eηη ów eηηη feη b'anη yogη. ¹⁷ Afr eci sewr a el sewr mamn eke b'is erm es ey, onym low lec

em, ke b'ony agn okr af erm es ey em. N'ony agn e sornj ikn etj li b'elu low kok mamn okm. In l'elm enyembri yony yony es, n'anm ogor nyam. ¹⁸ Agn eke bi kok low fex erm es ey em a, b'ewl erm es ey el em, etj ow ec'ey eke wel b'ow a el es an mamn.

4

Òcr η sosti òη Nyam ke ákm agn es

¹ Bogñ ów esu lele mum ogn ab b'anñ ow ony em ee? Kó ow elm ony ec'erm em eci sow tutr enñ ec'erur em ow b'anñ ow ee? ² B'ewr ob ek'elm ony ec'a nyamn af etj éñnmn; ob ek'elm ony ec'a b'aw ony, etj ótumñ eñnmn, ow b'òñ ony eel agñ ibiu. B'esur ów ognñ mum, etj yec'ek'am ewr nyamn a, k'ow eñnmn, anke íbramn Nyam. ³ Etj eke b'íbrmn yeji éñnmn anke úwmñ ibrm. Ony e tutr a b'el tutr ññ; yec'eke b'íbrmn a, ony e lís ec'erur e kok eci. ⁴ Enyembri yony yony esel, † kó uwmñ any eke, eke eel wus na e lawl, ke eel Nyam ec'efnu ee? Égn eke b'erur eke k'el wus na e lawl a, el Nyam ec'ifnu. ⁵ Kì tutar eke ow el òfr òfr ce Nyam Lel am dad eke Nyam b'ogn uwerñ abñ a eke l'elu ey em a eci. ⁶ Eβen yeji emeny Nyam elu in ec'erm mamn okm etj n'òñ ey abusu ek'agb akm low fex, anke Nyam Lel dad nine: *Nyam b'òcr agñ eke b'ew sos a abr; etj li b'elu in ec'erm mamn okm agñ eke b'is es a e lís.*†

† **4:4** *Enyembri yony yony esel*odad na Grek em a: *afacu*; ow el egn ek'ígnñ Nyam sony coco nun, ke b'ígn ob ejeci ek'elm Nyam yej'a nun; Matie 6:24. † **4:6** Nyandrè 3.34; 1 Pier 5.5.

⁷ Ca gbɛ òcar ɔny sosi ɔɔn Nyam, ògɔn agn ar; ɛtɔ li b'ow l'uru l'ɛgb ɔny es. ⁸ Ɛrir owr titmɔ Nyam, ɛtɔ li b'ow l'eri l'ow li titm ɔny. Sikpl ɛsɛl, yɔyɔgr sabu ngbronɔn sikpl ɛm; ɔny eke bi cɛcmɔ any a, àyalil ɔny e mɛrm a! ⁹ Low dúdu ɔny, ìkɔn ɔɔn, ànɔn ɔɔn ɛm; ke ɔny e miyer ifi ítɔn el ɔɔn ìkɔ, ke ɔny e sos ɛm ìn ɛl sos es ɔw. ¹⁰ Ìsr es Ɛs Kɔtɔkɔ ec'any af, ɛtɔ li b'ow n'ɔny l'igbl ɔny ogɔ.

Kí jɛjm ɛgɔ kaka fɛɔ e low okm

¹¹ Agɔ lisijimɛl, kì dadr ów ɛɔn k'okarir af; ɛgɔ eke bi dad low nɔn ok lisijim af, oglog b'ɔb'r low kpɛkɔ a, bi dad ol ec'ów ɛɔn, ɛtɔ b'ɔb ol low. Ek'am jɛj ol e low ok ke elm ɛgɔ eke b'elum ol, kɔ in e jɛj ok ɛs anake am el a. ¹² Nyam ɔny cɛ eke b'ɔn ol a, in cɛ l'el Jɛj Ok Ɛs; in ɔny coco l'ɔtu eke li k'eb l'elu es ke l'íbi yɛjì. Nj eke am dad ɛgɔ kaka fɛɔ e low nɔn a, ayaf b'ocr n sosi ee?

K'èw sos

¹³ Sica èwr ɛrm, ɔny eke bi dadr ɛsrɛ: «Yɛfɛnyɔna, ow k'ɔdm efi, si b'ow s'im ɛb na ɛm s'ij lakpo nyam, s'ól an s'ɛɔn os.» ¹⁴ Uwmɔ ɔny ec'efi ec'owr anɔ a ec'elɛl eke b'ow ɛcr ab any! Ɔny anɔn ɛsɛ jru eke b'ɛy, ke kpɛkɔ b'oc es ab af. ¹⁵ Kin elɛl eke ɔtur eke kì dadr a: «Eke Ɛs Kɔtɔkɔ ɛgɔ ɛtɔ s'anɔn owr a, si b'ow si kok ów a eke s'am aw s'eb a.» ¹⁶ Ow eke kì kokr a anɔ, ɛtɔ am ɛwr sos, ɔbr nɛnym. Sos ɛw akpasu na akplm. ¹⁷ Na sosiɛm a, ek'ɛgɔ uw low mamɔ any eke kì kok ɛtɔ li kokm a, li kok sikpl.

5

Egbrenḡbi ec'ɛwar

¹ Sica egbrenḡbi, ìḡḡn loru es. Low dúdu ɔny, ìkḡn ɔḡn ḡbre a eke b'ow owr ɔny a sosiem!
² ɔny ec'ob ɔny a uḡḡ es, ɛḡḡ sisḡ ij ɔny ec'ob sos ɛw a. ³ ɔny e sika lele ɔny e jɛɛ ab ab ok adagra; adagra ikḡ na b'ow ij ɔny e danḡu ɛḡḡ b'ow ḡḡḡn ɔny e sos meḡl a ɛɛɛ al af. Kɔ uwmn any eke ɛḡḡ uwr, ɛḡḡ am asr ɔny ec'ob ɔny luku ee? ⁴ ɛḡḡm eke ki ɔḡḡr ɔny e ɔḡḡm juma kok ɛɛɛl a labm. Ìḡḡn loru es irir dedeku eke -n'am ɔḡ ɔny a: juma ɛɛɛl eke b'ub ɔny ec'egb a eci ɔḡḡn ikḡ a, ɛs Kɔtɔkɔ ek'el afr lele wus ab ec'ar ɛs ligbel a iri. ⁵ Anḡḡn wus na ijr ɛb, kokr ów ek'erurir. ɛḡḡ ɛɛɛ mindey af ijr mob agbr, iir sinɔn ɔny e luw e læḡḡ eci. ⁶ Agḡ eke kokm low ḡḡḡ kaka a, ɔbr ɛl low, -li dogḡḡnm sos ɛḡḡ ibir ɛl.

Gbre ij ɛm eci low eku

⁷ Na sosiem agḡ lisijimel, ùsurir ɛrm toḡḡ bake ɛs Kɔtɔkɔ ów. ɛɛɛ elɛl eke egb ewl ɛs b'eku toḡḡ nyam krɛkrɛ lele es abal el ab b'an, yec'ɛḡḡ ke l'úb egbey amamn a, ɔny yeji èkur ɛben. ⁸ ɔny yeji ùsurir ɛrm, ìnymn es kikri anḡke ɛs Kɔtɔkɔ eci mowrer a titm.
⁹ Agḡ lisijimel, k'èbal ɛrm k'okarir af, yec'ɛḡḡ ke Nyam kí jɛjm ɔny e low okm. Jɛj ok ɛs a ow inym es lisany. ¹⁰ Agḡ lisijimel, ɔkan kokoba ɔb ɛɛɛl eke dad odad ɛs Kɔtɔkɔ e nin ɛm a e ḡbre ek'ij ɛrm susu ɛm a, ke ɔny yeji kókr ɛben. ¹¹ Si b'aw ɛl eke Nyam ɛḡḡ ɛl ɔwrɔ, ɛl ec'erm susu a sosiem. Irir elɛl eke Job ij ḡbre ɛrm susu ɛm, ke ow e nuḡḡ ɛḡḡ ɛm a ɛs Kɔtɔkɔ Nyam ɛḡḡ'n ɔwrɔ

a. Nawre, Es Kotoko Nyam ony agn e sorn ikn, etn li bi kok wel low mamn.

¹² Sica agn lisijimel, ów a fex e mi dad ony a e nyam ek'onny any el: ke ony eci "εε" él "εε" ke ony eci "njn" él "njn"; kó k'òcr afr lele wus ab e nin em, oglog akunda ejec'em k'ijal k'okr ony sosi af, yec'etn ke k'éymn Nyam e jēj ok ab em.

Gbre ij em e Nyam ηοηη

¹³ Sica ek'onny em ec'egh nyam anη gbre em a, ni ηοηη Nyam. Etn ek'onny em ec'egh nyam anη sos em iηn em a, l'égη ej li kóklm Nyam.

¹⁴ Ek'onny em ec'egh nyam anη ol em, l'ésη Nyamel em ec'agn ekpekp a, ke wel ηοηη Nyam on'n, ók'r mun nuη Es Kotoko e nin em. ¹⁵ Omn em eci ηοηη ikn na b'ow eb olu a elu es ewlm'n; Es Kotoko b'ow ony igbl'l ogh, etn eke li kok sikpl yeji, ow b'ow oc ap'r. ¹⁶ Eghn ony e sikpl ebr ony ofr em, ke ηοηηan Nyam onanin, yec'etn ke éwal.

Neny nyam es e ηοηη mamn a b'onny lec nónó. ¹⁷ Kokoba ob es Eli yeji, egh ese ey af. Ni ηοηη Nyam tuotuo in ec'erm fex em eke nyam k'ánm, etn wus ab af nyam anm ton ow ij akpo nyahan lele likpr ab.

¹⁸ Etn emeny ni ηοηη Nyam, etn nyam an on egb osu. ¹⁹ Agn lisijimel, ek'onny em ec'egh nyam irm low nawre ec'ejagb af, etn ony em ec'egh nyam oc ow'r a, ²⁰ okan low na: egh eke b'ow ony sikpl es nyam oc es ejagb ηun af a, b'ow eb sikpl es a ec'abη a elu es luw em; etn sikpl nónó a eke egh a kok a b'ow ony oc ap.

Amani Owr
Adioukrou: Amani Owr New Testament

copyright © 1998 Wycliffe Bible Translators, Inc.

Language: Adioukrou

Contributor: Wycliffe Bible Translators, Inc.

All rights reserved.

2020-11-10

PDF generated using Haiola and XeLaTeX on 21 Feb 2024 from source
files dated 29 Jan 2022

b20fd1e5-39e1-5678-9af9-b99e1ebfb994